

## ПОЛУНОЩНИЦА СУББОТНЯЯ

*Начало бывает по прежде писанному, якоже во вседневней полунощнице.*

*По пятидесятом псалме глаголем кафисму 9.*

**Псалом 64.**

**Тебе** подобает песнь, Боже в Сионе, и Тебе воздастся молитва во Иеросалиме. Услыши молитву мою, к Тебе всяка плоть придет.

Слова беззаконник премогаша нас, и нечестия наша Ты очистиши.

Блажен его же избра и прият, и вселиши во дворы Своя. Исполнимся во

благих дому Твоего, свята церкви Твоя, дивна в правду. Услыши ны, Боже Спаситею наш, упование всем концем земли, и сущим в мори далече. Готовая горы крепостию Своею, препоясан силою. Смущаяи

глубины морския, шуму волн его кто постоит? Смутятся языцы, и убоятся живущии в концых знамении Твоих. Исходы утру и вечеру украсиши, посетил еси землю и упои ея, умножил еси обогатити ея.

Река Божия наполнися вод, уготовал еси пищу им, яко тако есть уготование. Бразды ея упои, умножи жита ея, в каплях ея возвеселится

восияющи. Благословиши венец лету благости Твоея, и поля Твоя насытятся тука. Разботеют красная пустыни, и радостию холми

препояшутся. Одеаяся овни овчии, и удолия умножат пшеницу,  
воззовут, и бо воспоят.

### Псалом 65.

**В**оспойте Господеви вся земля, пойте же имени Его, дадите славу  
хвале Его. Рцыте Богу: коль страшна дела Твоя, во множестве силы  
Твоея,

солжут Тебе врази Твои. Вся земля да поклонитися и поет Тебе,  
да поет

же имени Твоему вышнии. Приидите и видите дела Божия, коль  
страшен в советех паче сынов человеческих. Обращаяи море в  
сушу, в

реце пройдут ногами. Ту возвеселимся о Нем, обладающему силою  
Своею веку. Очи Его на языки призираете, прогневающии да не  
возносятся в себе. Благословите языцы Бога нашего, и услышан  
сотворите глас хвалы Его. Положьшаго душу мою в живот, и не  
давшаго

во смятение ног моих. Яко искусил ны еси Боже, разжже ны,  
якоже

разжизается сребро. Ввел ны еси в сеть, положи скорби на хребте  
нашем. Возеде человеки на главы наша, придохом сквозе огонь и  
воду, и

изведе нас в покой. Вниду в дом Твой со всесожжением, воздам  
Тебе

молитвы моя, яже изрекосте устне мои, и глаголаша уста моя в  
печали

моей. Всесожжения тучна вознесу Тебе с кадилом и овны, воздам

Тебе

елика сотвори души моей. К Нему усты моими возвах, и вознесох  
под

языком моим. Неправду аще позрех в сердца моем, да не услышит  
мене

Господь. Сего ради услыша мя Бог, внят глас моления моего.

Благословен Бог, Иже не отстави молитву мою, и милость Свою от  
мене.

### Псалом 66.

**Боже**, ущедри ны и благослови ны, просвети лице Твое на ны и  
помилуй ны. Познати на земли путь Твой, во всех языцех спасение  
Твое.

Да исповедятся Тебе людие Боже, да исповедятся Тебе людие вси.  
Да

возвеселятся и возрадуются языцы, яко судиши людем правотою, и  
языки на земли наставиши. Да исповедятся Тебе людие Боже, да  
исповедятся Тебе людие вси. Земля даде плод свой. Благослови ны  
Боже,

Боже наш, благослови ны, Боже. И да убоятся Его вси концы  
Земли.

*Слава, и ныне. Аллилуия, Аллилуия, слава Тебе, Боже (трижды),*

*Господи помилуй (трижды). Слава, и ныне.*

### Псалом 67.

**Да** воскреснет Бог, и разыдутся врази Его, и да бежат от лица Его  
ненавидящии Его, яко исчезает дым да исчезнут. Яко тает воск от

лица

огня, тако да погибнут грешницы от лица Божия. А праведницы да  
возвеселятся, возрадуются пред Богом, насладятся в веселии.  
Воспойте

Богу, пойте имени Его, путь сотворите возшедшему на запады,  
Господь

имя Его, и радуйтесь пред Ним. Смятутся от лица Его, Отца сирых,  
и

Судии вдовиц, Бог в месте святем Своем. Бог вселяет  
единомысленныя в

дом, возводя окованныя мужеством, такожде прогневающия  
живущия

во гробех. Боже, егда исхождаше пред людьми Своими, егда мимо  
хождаше в пустыне, земля потрясется, ибо небеса кануша от лица  
Бога

синаина, от лица Бога Израилева. Дождь волен отлучиши Боже

достоянию Твоему, и изнеможе, Ты же соверши е. Животная Твоя  
живут

на ней, уготовал еси благостию Твоею нищему, Боже. Господь даст  
глагол благовествующим силу многу. Царь сил возлюбленного,  
лепотою

дому разделить корысть. Аще поспите посреде предел, криле  
голубине

посребрене, и междорамия ея, в блещании злата. Егда разньствит

Небесныи царя на ней, оснежатся в Селмоне. Гора Божия, гора  
тучная,

гора усыренная, гора тучная. Вскую непщуете горы усыренные;

гора юже

благоволи Бог жити в ней. Ибо Господь вселится до конца,  
колесница

Божия тмами тем, тысяща гобзующих. Господь в них, в Синаине, во  
святем. Возшел еси на высоту, пленил еси плен, приял еси даяния  
в

человецех, ибо непокаряющийся, еже вселится. Господь Бог  
благословен, благословен Господь день дне, поспешит нам Бог  
спасении

наших. Бог наш Бог спасати; и Господня, Господня исходища  
смертная.

Обаче Бог сокрушит главы враг Своих, верх влас преходящих в  
прегрешениих своих. Рече Господь: от Васана образу, образу в  
глубинах морских. Яко да омочится нога твоя в крови, язык пес  
твоих, от

враг от него. Видена быша шествия твоя Боже, шествия Бога  
моего, Царя

еже во святем. Предвариша князи близ поющих, посреде дев  
тимпанниц. В церквах благословите Бога, Господа от источник

Израилев. Ту Вениамин юноша во ужасе, князи Июдови, владыки  
их,

князи Заулони, князи Неффалимли. Заповеждь Боже силу Твою,  
укрепи

Боже се, еже содела в нас. От церкви Твоея, во Иеросалим Тебе  
принесут

царие дары. Запрети зверем тростным, сонм юнец в юницах  
людских,

затворити искушенные сребром, разруши языки хотяция бранем.

Приидут молитвеницы от Египта; Ефиопия , предварит рука ея к Богу.

Царства земная пойте Богу, воспойте Господеви, возшедшему на небо

небесное на востоки. Се даст глас Свой, глас силы, дадите славу Богови,

на Израили велелепота Его, и сила Его на облацех. Дивен Бог во святых

Своих, Бог Израилев; Той даст силу и державу людем Своим, благословен Бог.

*Слава, и ныне. Аллилуия, Аллилуия, слава Тебе, Боже (трижды).*

*Господи помилуй (трижды). Слава, и ныне.*

**Псалом 68.**

**С**паси мя Боже, яко внидоша воды до души моя. Углебох в тимении

глубины, и несть постояния. Приидох в глубины морския, и буря потопа мя, Утрудихся зовы, измолче гортань мой, исчезосте очи мои,

уповающу ми на Бога моего. Умножишася паче влас главы моя ненавидяции мя всеу, укрепишася врази мои, изгоняции мя без правды; яже не восхицах, тогда воздаях. Боже, Ты уведи безумие мое, и

прегрешения моя от Тебе не утаишася. Да не постыдятся о мне

терпяции Тебе Господи, Господи сил, ниже посрамятся о мне ищущии

Тебе, Боже Израилев. Яко Тебе ради приях поношение, покры  
срамота

лице мое. Чуждь бых братии моей, и странен сыновом матере моея.  
Яко

ревность дому Твоего снесть мя, и поношения поносящих Ти,  
нападоша

на мя. И покрых постом душу мою, и бысть в поношение мне. И

положих одеяние мое в ретище, и бых им в притчу. О мне  
глумляхуся

седящие во вратах, и о мне пояху пиющие вино. Аз же молитвою  
моею

к Тебе, Боже; время благоволения, Боже, во множестве милости  
Твоея,

услыши мя, во истине спасения Твоего. Спаси мя от брения да не

углубну, избави мя от ненавидящих мя, и от глубоких вод. Да не  
потопит

мене буря водная, ниже пожрет мене глубина, ниже сведет о мне

ровеник уст своих. Услыши мя Господи, яко блага милость Твоя, по

множеству щедрот Твоих призи на мя. Не отврати лица Твоего от

отрока Твоего, яко скорблю, скоро услыши мя. Воньми души моей,  
и

избави ю, враг моих ради, избави мя. Ты бо свеси поношение мое и  
студ

мой и срамоту мою, пред Тобою вси стужающие ми. Поношение

причая душа моя и страсть, и ждах иже со мною поскорбит, и не  
бе, и

утешающих и не обретох. И даша в снесь мою желчь, и в жажду

МОЮ

напоиша мя оцта. Да будет трапеза их пред ними в сеть, и в  
воздаяние, и

в соблазн. Помрачитесь очи их не видети, и хребет их отнюд  
преклони.

Пролей на ня гнев Твой, и ярость гнева Твоего постигнет их. Да  
будет

двор их пуст, и в жилищих их да не будет живущаго. Зане его же  
Ты

порази, тии погнаша, и к болезни язв моих приложиша. Приложи

беззаконие к беззаконию их, и да не внидут в правду Твою. Да

потребятся от книг живущих, и с правденными не напишутся. Нищъ  
и

боля есмь аз, спасение Твое Боже, прият мя. Восхваляю имя Бога  
моего с

песнию, возвеличу Его во хвалении. И угодно будет Богу, паче  
тельца

юна, роги издающа и пазнокти. Да узрят нищии, и возвеселятся,

взыщите Бога, и жива будет душа ваша. Яко услыша нищия  
Господь, и

окованных Своих не уничижит. Да восхвалят Его небеса и земля,  
море , и

вся живущая в нем. Яко Бог спасет Сиона, и созиждутся гради

июдейстии, и вселятся тамо и наследят и. И семя раб Твоих  
удержит и, и

любящии имя Твое, вселятся в нем.

**Псалом 69.**

**Бо**же, в помощь мою воньми. Господи, помощи ми потщися. Да постыдятся и посрамятся ищущии душу мою. Да возвратятся вспять и

постыдятся мыслящии ми злая. Да возвратятся абие стыдящесе глаголющии ми: благо же, благо же. Да возрадуются и возвеселятся о

Тебе, вси ищущии Тебе, Боже, и глаголют выну: да возвеличится Господь, любящии спасение Твое. Аз же нищь есмь и убог, Боже помози

ми. Помощник мой, и Избавитель мой еси Ты Господи, не закосни.

*Слава, и ныне, без Аллилуии. Таже, Верую во единого Бога. Таже, Трисвятое. И по Отче наш, тропари сия, глас 2:*

**Н**есозданное естество, всяческих Содетелю, устне наша отверзи, яко

да возвестим хвалу Твою вопиюще: свят, свят, свят еси Боже, Богородицы

ради, помилуй нас.

*Слава. Вышним силам подобящесе земнии, победную песнь*

приносим Ти Блаже, вопиюще: свят, свят, свят еси Боже, молитвами всех

святых Твоих, помилуй нас.

*И ныне. От* одра и сна воздвигл мя еси Господи, ум мой просвети и сердце, и устне мои отверзи, пети Тя, Святая Троице: свят, свят, свят еси

Боже, молитвами Богородицы, помилуй нас.

*Таже, Господи помилуй (40). И молитва: И*же на всяко время:

## Полунощница субботняя

Автор: Павел  
18.05.2011 17:38

---

*И прочее все поряду, якоже в первой полунощнице писано.*